



3. december 2020

Matumuuna Inatsisartut suleriaasianni §37 naapertorlugu apeqqutit Naalakkersuisunut ingerlatippakka:

1. Kuannersuarni aatsitassarsiortoqalissappat aatsitassat sinnikuinik taseq eqqaavissaq pillugu allannguisoqarpa?
2. Kuannersuit eqqaani taseq aatsitassat sinnikuinik eqqaavissaq pillugu erngup utersorsinnaanera pinaveersaartinniarlugu Naalakkersuisut iliuusissat suut qulakkeerniarlugit suliaqarpat?
3. Kuannersuarni aatsitassarsiorfissap qinngorneqqortussusia tunngavigalugu aatsitassarsiorfimmi sulisartussat sivisunerpaamik ullut qassit sulisinnaatitaasassappat? (qimagukkallartarnissaat piumasagaataassammat)
4. Uran annertussusia katillugu minnerpaamik 56.000 tonsinik annertussuseqarnissaa sulii naatsorsuutigineqarpa?
5. Thorium-ip, Uran-ip aatsitassallu allat radioaktiv-imik qinngorneqartut ppm-imut naatsorsuisarneq tunngavigalugu tamarmik immikkut qanoq annertutigisumik akoqartutut nalunaarsorneqarpat?
6. Narsap imeqarfia, Napasup kuua qinngornermik, flour-imik allanillu mingutsitsissutaasinnaasunik innarlerneqannginnissaa pillugu Naalakkersuisut iliuusissanik qanoq ittunik paasissutissiinnaappat?
7. Narsap illoqarfiata qanittuani, tassa, Narsap iluani aatsitassarsiortoqalissappat innuttaasut Narsap iluani pisuttuarsinnaappat?
 - a. kuummit imersinnaassappat?
 - b. nunami paarnanik nuniassinnaappat?
 - c. allatullu avatangiisiminnik atuiinnarnissaat Naalakkersuisut uppersarsinnaavaat?

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Aatsitassarsiorfissatut pilersaarut Naalakkersuisuniit kiisami erseqqilluinnartumik akineqarnissaa kissaatiginarsivoq. Ilaatigut Naalakkersuisut eqqortumik paasissutissiisussaataitanerat naapertorlugu apeqqutit paasissutissanik tusatsiagaqarfigisavut pillugit erseqqisumik akineqarnissara kissaatigaara. Naalakkersuisut eqqortumik akissuteqartussaataapput. Nalunaarusiat aamma paasissutissat Naalakkersuisuniit ilisimaneqareersut tunngavigalugit apeqqutit ukua ingerlatippakka. Taamaammat kissaatigaara apeqqutit ullut qulit qaangiutsinnagit akineqassasut.